



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XLIII.

urn:nbn:de:hbz:466:1-29452

tur, & proximus propter Deum & beneficium Christi. Quartò, Spiritus sanctus donat sub cruce patientiam, & per hanc mortificat concupiscentiam carnis, ut destruat corpus peccati, ut ultra non seruiamus peccato, Rom. 6. & 8 si secundum carnem vixeritis, moriemini: sin autem Spiritu opera carnis mortificaueritis, viuetis. Ideò Spiritus sanctus huiusmodi mortificationem operatur, & satagit ut homo perfectus fiat, & peccatum & concupiscentia carnis totaliter moriantur: & tunc erimus puri & sancti, & regnum Dei hæreditabimus. Et ideò sic nobis donatur Spiritus sanctus ut sanctificet, & carnem nostram mortificet vsq; ad mortem. Et sic dicit Apostolus 1. Cor. 6. Sanctificati & iustificati estis per Spiritum sanctum Dei nostri. Habet quoque multas alias operationes in nobis Spiritus sanctus, ideò rogat Dauid 1 sal. 50. Spiritum sanctum tuum ne auferas à me: & nos petere debemus Deum patrem, ut donet nobis quoque Spiritum sanctum &c.

ECCLESIAM SANCTAM CATHOLICAM, sanctorum communionem.

CAPVT XXXIII.

ARGVMENTA.

1. *Quòd sola una est Ecclesia, qua dicitur sancta & Catholica.*
2. *Quomodo in tali Ecclesia una est communitio sanctorum.*
3. *Quòd extra illam Ecclesiam non est salus.*



Redimus vnam esse Ecclesiam: hoc autem nomen Ecclesia, nō dicitur domus Ecclesie, de ligno & lapidibus ædificata, sicut templum: sed est congregatio homi-

1.

hominum, qui conueniunt in vnitae fidei & sacramentorum. Nam hoc certò credere debemus, quòd dum Euangelium prædicatur, semper erunt homines, quos Spiritus sanctus accendit, vt credant & adhaereant Euangelio: nam sic dicit Dominus per Esa. 55. Verbum meum non redibit vacuū &c. Qui igitur Euangelio credunt, illi dicuntur Ecclesia, id est, congregatio: Deindè, quanuis sint multæ congregationes Christianorum, tot nempè quot vrbes & villæ, tamè illæ dicuntur partes Ecclesiæ vniuersalis, quæ dicitur græcè Catholica: nam solū est vna Ecclesia, vbiq; terrarum diffusa, in qua est vnus Deus vna fides, vnum Baptisma, vna spes salutis, Ephes. 4. In illa Christus caput est, Ephes. 1. nos membra, & vnum corpus mysticum sumus: vnum ouile pastoris nostri Christi, Ioan. 10. Vnum regnum Christi. Præterea dicitur sancta hæc Ecclesia, propter fidelium sanctum caput, quod est Christus. Nam licet sit in nobis adhuc carnis infirmitas, tamen propter fidem in Christum reputamur sancti, modò & contra concupiscentias carnis militemus, & illi non obediamus, Roman. sexto, & quanuis etiam mali reperiantur in congregatione fidelium, sicut vlcera in corporibus, illi tamen solo nomine dicuntur fideles & membra Ecclesiæ, non autem veritate: solū autem iusti, qui fide coniunguntur Christo atq; Spiritu, qui non ambulant secundum carnis concupiscentias, illi sunt vera membra Ecclesiæ. Non ergo possunt hic separari bona & sana membra à falsis & malis: sinit Deus vtraq; crescere, Zizaniam cum tritico vsque ad messem, Matth. 13. Cognoscuntur tamen veri Christiani per diligentem obseruationem præceptorum Dei: vbi sinceriter prædicatur Euangelium & verbum Dei, deuotè creditur, & sanctè pieque viuunt, & Sacramenta legitime dispensantur. Dicitur autem Catholica, id est, vniuersalis, quia non in vno angulo vel coetu, sed per vniuersum

sum mundum inuenitur. Mar. ultimo cap. Euntes in mundum vniuersum &c. & Psalm. 112. A solis ortu vsq; ad occasum &c. Insuper Catholica dicitur, quia idem communiter sapit secundum Christum Iesum, in hijs quæ fidem & Christum spectant atque Sacramenta, & cum vno ore honorificatur Deus & pater Domini nostri Iesu Christi: id quod vbiq; Apostolus mandat & obsecrat per nomen Domini nostri Iesu Christi, 1. Cor. 1. Rom. 15. Omnes ergo hæretici non sunt Catholici, nã seipso segregant à corpore Christi, quod est Ecclesia, & aliter sentiunt de doctrina & rebus fidei, quàm Ecclesia Catholica: hos vitare iubet Apostolus, Tit. 3.

Secundò, hæc Ecclesia Catholica siue congregatio, est communio sanctorum, id est, *gemeinschaft*/ hoc est, quòd primò omnes illi qui sunt vera membra Ecclesie, illi sunt sancti & reputantur propter fidem in Christum, qui est caput sanctum Ecclesie, propter quod & membra reputantur iusti & sancti & sic Apostolus in exordijs suarum Epistolarum omnes fideles vocat vocatos sanctos, Roman. 1. 1. Corinth. 1. Galat. 1. idè mali in Ecclesia, non sunt de Ecclesia sancta, id est, communiõne illa sanctorum, sed solum nomine dicuntur Christiani: quare solum pii sunt sancti & vera membra Ecclesie. Deinde est Ecclesia & dicitur communio sanctorum, quia omnia bona spiritualia, quæ exiguntur ad nostram sanctificationem & iustificationem, illa in communi habet Ecclesia à Iesu Christo: & dicuntur communia bona, vt sunt sacramenta & preces Ecclesie: quia quisque partem habet in illis, vnus sicut alter. Hæc autem sunt porrò cõmunia bona Ecclesie, quoniam Deus pater nobis omnibus est misericors pater, Deus filius autè omniũ nostrum saluator, Deus Spiritus, omniũ nostrum sanctificator, *heiligmacher*.
Postcà

Postcà

Postea est Euangelium & omnes doctrinæ Christianæ, quæ omnibus prædicantur, ubi gratia & misericordia Dei omnibus offertur. Matt. 11. Venite ad me omnes qui laboratis, & onerati estis, &c. Deinde baptismus, ubi datur remissio peccatorum, & salus promittitur. Marc. ult. Qui crediderit & baptizatus fuerit, &c. Postremò corpus & sanguis Iesu Christi, per quæ nos omnibus bonis Christi efficiamur participes, credentes corpus pro nobis traditum & sanguinem pro nobis effusum, Matt. 26. hæc bona Christi, omnibus qui sunt in Ecclesia, sunt communia. Nam Christus ex æquo est omnium nostrum saluator. Postremò Ecclesia est & dicitur communio sanctorum, quia oratio, tribulatio, crux & opera, pia omnibus Christianis per totum orbem sunt communia & meritoria: sic iubet nos Christus in plurali orare. Panem nostrum &c. dimitte nobis debita nostra &c. Matt. 6. & sic omnes participamus Christi bonis, & deinde communio fratrum credentium: & sicut ex multis granis fit unus panis &c. ita hæc est communio sanctorum, 1. Corinth. 10. Ideò hæc consolatio est conscientia, quòd talis communio est sanctorum tam bonorum Christi quàm fidelium, & hoc etiam credimus &c.

3. Tertiò, quoniam sola una est Catholica & sancta Ecclesia, in qua sunt communia Christi bona, & in ea solum distribuuntur: ideò omnis homo, qui est extra illam communionem vel congregationem & Ecclesiam fidelium, is non saluabitur, sicut inquit Christus Luc. 11. Qui non est mecum, contra me est: & qui non colligit mecum, dispergit: quare omnes infideles qui non credunt, damnantur. Ioan. 3. Qui non credit, iam iudicatus est: Nam promissio facta est Ecclesie, quòd illa sit capax bonorum Christi. Qui ergo non credunt, damnantur. Deinde omnes hæretici qui sunt veluti rami aridæ arboris, non accipiunt succum gratiæ Christi, sicut inquit Cypria. Præcinda ra-
- mum de

num de arbore, riuum de fonte, &c. Apostolus quod ait Galat 5. Sectæ regnum Dei non possidebunt. & August inquit: Hoc facit Spiritus sanctus in corpore mystico Ecclesiæ, quod Spiritus humanus in corpore: separato Spiritu à corpore humano, corpus mortuum & aridum est. Sic facit Spiritus sanctus in corpore mystico, & in solis illis efficax est per verbum suum, qui sunt vera membra, & non arida: multi enim eadem dicunt verba, qualia pij & Catholici solent administrantes Sacramenta: sed Spiritus sanctus ibi non est efficax: nam dæmones etiam dixerunt: Iesu Nazarene, scimus quia tu es filius Dei, Marc. 1. Lucæ quarto, & Petrus quoque inquit: Tu es Christus filius Dei viui, Matthæi 16. sed tamen dæmon inculpatur, & mandatur illi vt taceat, licet vera & bona verba dixerit, quia ipse non in Ecclesia, vbi Deo placet cultus, & Spiritus sanctus est efficax per verbum suum: ideoque omnes hæretici fugiendi sunt.

CREDO REMISSIONEM
peccatorum.

CAPVT XXXIIII.

ARGVMENTA.

1. *Quomodo quis perueniat ad istum articulum, vt eum credat, nempe remitti nobis peccata.*
2. *Quæ sint sigilla, vt certus sim de remissione peccatorum.*
3. *Quod fides de remissione peccatorum tunc vera est, quando habet adiunctam pœnitentiam.*

Z

PRI.